

## GOJRI NEWS BULLETIN

30 SEP

1700 HRS

ایونینگ گو جری نیوز بلیٹن مورخہ 30 ستمبر 2025

\*\*\*\*\*

یوہ آکا شوانی جموں ہے محبوب سلطانے تے نصرت چوہدری تیں خبر سُنو۔

\*\*\*\*\*

### HEADLINES

- ۱۔ لیفٹیننٹ گورنر منوج سنہا نے جموں مانہ وکست بھارت کارنگ کلا غے سنگ گی اختتامی تقریب مانہ جموں کشمیر گی نوجوان طاقت مانہ سہرايو ہے تے اُنہاں مانہ تبدیلی واسطے محرک بنن بارے وی کیو ہے۔
- ۲۔ لیفٹیننٹ گورنر منوج سنہا نے شری ماتا ویشنو دیوی گا مقدس مزار ور حاضری دے غے، جموں کشمیر غی پلائی تے امن واسطے دعا کی ہے۔
- ۳۔ وزیر اعلیٰ عمر عبداللہ نے لوکاں مانہ یقین دواتا مانہ کہیو ہے جموں کشمیر مانہ حالیہ بارشاں تیں ہون آلا نقصان غے باوجود ترقیاتی عمل متاثر نہیں ویں گا۔
- ۴۔ شمالی ریلوے نے اعلان کیو ہے جے 2 اکتوبر تیں جموں تیں آتھ لمبا فاصلہ غی ٹرین خدمات مانہ بحال کیو ہے غو۔
- ۵۔ جموں صوبہ مانہ اکتوبر تیں سکول لگن گو ویلو تبدیل کردتو ہے۔ اونگا محکمہ موسمیات نے پیش گوئی کی ہے جے اگلا ہفتہ مانہ اُچیراں علاقہ مانہ پہلی برف باری گو امکان ہیں۔

\*\*\*\*\*

### LG YUVA SHAKTI

لیفٹیننٹ گورنر منوج سنہا نے اج جموں مانہ وکست بھارت کے رنگ کلا کے سنگ گی اختتامی تقریب مانہ شرکت کی جس غو اہتمام اندرا گاندھی قومی مرکز برائے فن تے صوبائی انتظامیہ جموں نے کیو تھو اس دوران طالب علماں سنگ خطاب کرتا مانہ ایل جی موصوف نے جموں کشمیر گی یوہ شکتی یعنی نوجوان طاقت مانہ سہرايو تے اُن ور زور پایو ہے وے تبدیلی مانہ مزید تیز کریں اُنہاں نے کہیو ہے نوجوان ور ترقی یافتہ بھارت بنان گی زمہ داری عائد وے پاویں واں دور اندیشی وے گا ذریعہ یا عمل کرن گے اُنہاں نے سیوا پرو مانہ اُجاگر کرتا مانہ کہیو ہے سیوا پرو نوجوان ذہناں مانہ اُن آلی دقتا گو سامنو مثبت سوچ سنگ کرن واسطے تیار کر رہیو ہے اُنہاں نے مزید کہیو ہے تخلیقی تے تعمیری جزبو اُنہاں مانہ مستقبل گا رہنما بناوے گو تے وے بھارت گی ترقی گی رفتار مانہ شکل دے گو۔ ایل جی موصوف گو مزید کہنو تھو۔

\*\*\*\*\*

### LG OBEISANCE

لیفٹیننٹ گورنر منوج سنہا نے مہا اشتمی گا مبارک موقعہ ور شری ماتا ویشنو دیوی گی مقدس گفا ور حاضری دتی ہے اُنہاں نے روایتی رسم ادا کرن غے نال نال مرکزی زیر انتظام آلا علاقہ گا تمام شہریاں واسطے امن خوشحالی تے بہتری واسطے دعا وی کی ایل جی موصوف نے لوکاں مانہ دلی مبارک باد وی پیش کی تے اُنہاں غی خوشی تے چنگی صحت واسطے دعا وی کی اُنکا نورا تراں گی تقریب عقیدت تے احترام سنگ جاری ہے تے پہلا 7 تہاڑاں اندر اک لکھ 25 ہزار توں متا عقیدت منداں نے

پوٹر گفا ور حاضری دتی ہے تے اس ضمن مانہ پورا ملک تو متی تعداد مانہ لوک برکت حاصل کرن واسطے پُچ رہیا ہیں۔

\*\*\*\*\*

## CM WATER SUPPLY

وزیر اعلیٰ عمر عبداللہ نے حالیہ بارشاں توں مرکزی زیر انتظام آلا علاقہ مانہ ہون آلا نقصان گے باوجود لوکاں توں کیا گیا وعداں نانہ پورو کرن واسطے اپنی حکومت غا عزم نانہ دہرایو ہے اُنہاں نے اس گل گو اظہار اننت ناگ مانہ پانی سپلائی سکیمان گا افتتاح تو بعد کیو ذرائع ابلاغ غا نمائندہ سنگ گل کرتا مانہ وزیر اعلیٰ نے کہیو جے ترقیاتی کم بغیر رُکاوٹ لوکاں توڑی پُچ رہیو ہے تے اُنہاں نے اس گل گو یقین دواتاں مانہ کہیو جے معمولاتی زندگی گی بحالی تے ترقی گی رفتار نانہ تیز کرن گی کوشش حکومت غی اولین ترجیح مانہ دے گی اُنہاں نے کہیو۔

\*\*\*\*\*

## SEWA PARV NEP

سیوا پروور چلائی جارہی خصوصی سیریز گا حصہ گا طورور اج ہم اس گل ور توجہ مرکوز کریں غا جے مودی حکومت کس طرح قومی تعلیمی پالیسی 2020 غے ذریعے اک جدید جامع تے مستقبل واسطے تیار تعلیمی نظام نانہ شکل دے رہی ہے۔

یہ پالیسی جون 2020 مانہ 34 براں بعد متعارف کرائی گئی ہے جس غو مقصد بھارت گا تعلیمی منظر نامہ نانہ بدلنو ہے تے یہ پالیسی بھارت گا فروغ سکول گی سبج ور پیشہ وارانہ تربیت کئی کئی زبانیں ور زور یہ رہی ہے اس پالیسی نے تعلیم تے پیشہ وارانہ بشکار بنا ناہ ختم کردتو ہے تانجے ہون مجموعی تعلیم نانہ فروغ مل سکے وزیر اعظم نریندر مودی نے کہیو جے قومی تعلیمی پالیسی گو مقصد ملک گا ہر اک طالب علم واسطے برابر گا تعلیمی موقعہ نانہ یقینی بنانو ہے اُنہاں نے کہیو۔

\*\*\*\*\*

## PROG ANN

آکاشوانی جموں گو علاقائی خبراں آلو شعبو سیوا پروور 2025 غی تقریبات غے تحت 8 ووں تے آخری خصوصی مزاکرہ پروگرام نشر کرے غو۔ یہ پروگرام دفعہ 370 تے 35 اے غی منسوخی تیں بعد جموں کشمیر غی تبدیلی غا موضوع ور وے گو یہ پروگرام 2 اکتوبر 2025 نانہ سویرے ساڈھ 9 بجے نشر کیو جے غو اس پروگرام مانہ مارا مہمان وین گا پروفیسر ہری اوم جہیرا ایک نامور تاریخ دان، ادیب، تے سیاسی تجزیہ کار ہیں وہ اس پروگرام غا موضوع ور اپنا خیالات تے ماہرانہ رائے پیش کریں گا پروگرام غی میزبانی کریں گا مارا انکر جگموہن شرما تے آلم خان ہکلا سامعین یہ پروگرام میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز ور سُن سکیں گا۔

\*\*\*\*\*

## TRAINS RESUME

شمالی ریلوے نے آٹھ لمبا رستی گی ٹریناں گی بھالی غو حکم دتو ہے جہڑی جموں سٹیشن توں 2 اکتوبر نانہ دوبارہ شروع وے گی یہ فیصلو اگست مانہ خاصی بارشاں تے سیلاب توں نقصان پُجن آلا ریل رستہ ور بحالی توں بعد کیو گیو ہے واضع رہ جے جموں پٹھانکوٹ تے جموں کٹڑہ حصہ ور ٹرین خدمات بری طرح متاثر ہوئی تھی جس توں بعد 50 توں متی ٹریناں نانہ معطل کردتو گیو تھو جد کہ ہون آہستہ آہستہ خدمات

بہال کی جارہی ہے تے اس ضمن مانہ یوہ فیصلو بکھ بکھ حصال گا باقاعدہ جائیزہ توں بعد کیو گیو ہے اس بارے تصدیق کرتاواں سینر صوبائی کمرشل منیجر اُچیت سنگھل نے کہیو جے ٹرینان نانہ مکمل ریل رستہ گی حفاظت نانہ یقینی بنان توں بعد بحال کیو جارہیو ہے اس سلسلہ مانہ مسافراں نانہ مشورو دتو گیو ہے کہ تازہ جانکاری واسطے شمالی ریلوے گی ویب سائٹ گو دورو کریں۔

\*\*\*\*\*

## SCHOOL TIMINGS JAMMU

محکمہ سکولی تعلیم جموں نے جموں صوبہ غا سرکاری تے نجی سکولاں واسطے نوا وقت بارے اعلان کیو ہے آکاشوانی جموں غا نمائندہ غے مطابق محکمہ سکولی تعلیم غا حکم غے مطابق اکتوبر تیں سمر زون مانہ سکول سویرے 9 بجے تیں تہاڑی گا 3 بجے توڑی چلیں غا تے نومبر تیں ساڈھ 9 بجے تیں ساڈھ 3 بجے توڑی چلیں غا۔ تے جموں میونسپل کارپوریشن غی حدودو تے قریبی شہری علاقان مانہ سکول غو وقت سویرے 9 بجے تیں دوپہر 3 بجے توڑی چلیں گا۔ سنٹر زون مانہ سکول اکتوبر تیں سویرے 9 بجے تیں ساڈھ 3 بجے توڑی چلیں گا۔ محکمہ نے ہدایت دتی ہے کہ حکم غی خلاف ورزی کرن آلا سکولاں غے خلاف سخت کاروائی کی جے غی۔

\*\*\*\*\*

## WEATHER

محکمہ موسمیات نے جموں کشمیر واسطے موسم غی تفصیلی پیشن گوئی کی ہے آن آلا دنان مانہ عام طورور خشک موسم رہن غا امکان ہیں لیکن اکتوبر غا پہلاں ہفتہ مانہ اُچا علاقان مانہ اس موسم غی پہلی برف باری ہوسکے۔ محکمہ نے دسیو کہ 4 اکتوبر غی دوپہر توڑی جموں کشمیر مانہ عام طورور موسم خشک رے گو لیکن شام غے وقت ہلکی بارش تے تیز ہوا چلن گا امکان ہیں 5 تیں 7 اکتوبر توری موسم ابر آلود رے گو۔ ہلکی تے درمیانہ درجہ غی گرج چمک غے نال بارش پین غی توقع ہے اس بارے مزید بولتاواں محکمہ موسمیات غا دائریکٹر ڈاکٹر مکھتار احمد نے اس طرح کہیو۔

\*\*\*\*\*

## GST BUILDING MATERIAL

گھریلو صارفین نانہ بڑی راحت دیتاواں حکومت نے جی ایس ٹی 2.0 غی اصلاحات غے تھت اہم تعمیراتی سامان ور ٹیکس کھٹ کردتو ہے ماربل تے گرنائیٹ ور جی ایس ٹی 12 فی صد تیں کھٹا غے 5 فی صد کردتو گیو ہے جد کہ سیمنٹ ور ہُن 28 فی صد غے بجائے 18 فی صد ٹیکس لگے غوجس تیں دیہی مکانات نکہ چھوٹا تے درمیانہ درجہ گا کاروباریاں نانہ فائدو وے غو۔ اس قدم تیں تعمیراتی لاگت کھٹ وے غی۔ رہائشی شعبہ ناہ بڑھاوو ملے غو، متعلقہ صنعتاں مانہ روز گار گا مواقع پیدا ویں گا۔ جموں کشمیر غا لوکاں نے اس فیصلہ گو خیر مقدم کیو ہے تے اس بارے اس طرح کہیو۔

\*\*\*\*\*

## POONCH HOCKEY

پونچھ غا ایسٹرو ٹرف سٹیڈیم مانہ جموں کشمیر پولیس مارٹیر ہاکی ٹورنامنٹ گو آخری مقابلو کھیڈیو گیو جس مانہ پونچھ پینٹھر تے پونچھ لیجنڈ نانہ شکست دتی ڈپٹی کمشنر اشوک کمار شرما تے ایس ایس پی شفقت حسین نے کھیڈاریاں غی

حوصلہ افزائی کی یوہ ٹورنامنٹ شہداغ یاد تے نوجواناں نانہہ کھیداں در لیان غو قدم  
ہے۔ اس بارے مزید گل کرتا واں ایس ایس پی شفقت حسین نے اس طرح کہیو۔  
\*\*\*\*\*